

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1814 del 12/08/2020

Traduzione in ladino

Sèn Jan, l pènt de gejia arà na neva parbuda

Vegnarà restruturà e comedà l "Pont de Lejia", l pènt de gejia (en referiment a la pieif dedichèda a Sèn Jan) enlongia la strèda statale 48 de la Dolomites che colea i paìjes de Soraga e Vich, sul tegnir del Comun de Sèn Jan. Chest l'é stat dezidù da la Jonta provinzièla con l nef document de programazion de setor per i egn 2020-2022, col perveder n finanziament de 2 milions de euro per l'infrastrutura che te chest moment la é te fasa de studie.

L'intervent – de endrez del Partiment infrastrutura e trasport – l pervedit la restruturazion del pènt senza mudèr la pèrt de fora del pènt, ge tolan demez deldut a la veia strutura duc i elemenc no strutturèi, l projet l pervedit de fèr sù na neva soleta de peton che poja sun doi mures de micropalificacions che fajarà da sepona olache vegnarà desiarià tant l peis del pènt che di elemenc no strukturèi. La ciarejèda la doventarà de 8 metres de lèrch, con n marciapè de 1,50-2 metres spartì da n guard-rail a na vida da arsecurèr na maor segurezza per la sacotanta jent che fèsc promenades e raides enlongia l troi de la Marcialonga.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

<https://www.ufficiostampa.provincia.tn.it/Comunicati/Sen-Jan-il-ponte-della-chiesa-si-rifa-il-look>

(cdt)